Глас 1




1. Изведи из темницы душу мою /




Вечерния наша молитвы / приими, Святый Господи, / и подаждь нам оставление грехов, / яко Един еси // явлей в мире Воскресение.

2. Мене ждут праведницы /



Обыдите, людие, Сион, / и обымите Его, / и дадите славу в нем Воскресшему из мертвых: / яко Той есть Бог наш, // Избавлей нас от безаконий наших.

3. Из глубины воззвах к Тебе, Господи, /



Приидите, людие, / воспоим, и поклонимся Христу, / славяще Его из мертвых Воскресение: / яко Той есть Бог наш, // от прелести вражия мир Избавлей.

4. Да будут уши Твои /



5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / **упова душа моя на Господа**.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Всемирную славу, / от человек Прозябшую, / и Владыку Рождшую, / Небесную Дверь воспоим Марию Деву, / Безплотных песнь, и верных удобрение: / Сия бо явися Небо, и Храм Божества: / Сия преграждение вражды разрушивши, / мир введе, и Царствие отверзе. / Сию убо имуще веры Утверждение, / Поборника имамы из Нея Рождшагося Господа. / Дерзайте убо, дерзайте людие Божии: / ибо Той победит враги, // яко Всесилен.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Страстию Твоею Христе, / от страстей свободихомся, / и воскресением Твоим из истления избавихомся, // Господи, слава Тебе.

БОГОРОДИЧЕН

Се исполнися Исаиино проречение, / Дева бо родила еси, / и по Рождестве яко прежде Рождества пребыла еси: / Бог бо бе рождейся, / темже и естества новопресече. / Но о Богомати! / Моления Твоих рабов, / в Твоем храме приносимая Тебе не презри, / но яко Благоутробнаго Твоима рукама носящи, / на Твоя рабы умилосердися, // и моли спастися душам нашим.




















БОГОРОДИЧЕН

Гавриилу, вещавше Тебе, Дево, радуйся, / со гласом воплощашеся всех Владыка, / в Тебе, Святем Кивоте, / якоже рече праведный Давид; / явилася еси ширшая небес, / поносивши Зиждителя Твоего. / Слава Всельшемуся в Тя, / слава Прошедшему из Тебе, // слава Свободившему нас рождеством Твоим.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Поем Твою, Христе, спасительную страсть, // и славим Твое Воскресение.

2. Хвалите Бога во святых Его /



3. Хвалите Его на силах Его /



БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 2




1. Изведи из темницы душу мою /




Прежде век от Отца Рождшемуся Божию Слову, / Воплощшемуся от Девы Марии, / приидите, поклонимся: / крест бо претерпев, / погребению предадеся, яко Сам восхоте: / и воскресе из мертвых, // спасе мя заблуждающаго человека.

2. Мене ждут праведницы /



Христос Спас наш, / еже на ны рукописание пригвоздив на Кресте заглади, / и смертную державу упраздни: // поклоняемся Его Тридневному Воскресению.

3. Из глубины воззвах к Тебе, Господи, /



Со Архангелы воспоим Христово Воскресение: / Той бо есть Избавитель и Спас душ наших, / и в славе страшней и крепцей силе, // паки грядет судити миру, егоже созда.

4. Да будут уши Твои /



5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Прейде сень законная, / благодати пришедши: / якоже бо купина не сгараше опаляема, / тако Дева родила еси / и Дева пребыла еси. / Вместо столпа огненнаго / праведное возсия Солнце, / вместо Моисея // Христос, спасение душ наших.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.


СТИХИРЫ НА СТИХОВНЕ

Воскресение Твое, Христе Спасе, / всю просвети вселенную, / и призвал еси Твое создание: // Всесильне Господи, слава Тебе.

БОГОРОДИЧЕН

О чудесе новаго всех древних чудес! / Кто бо позна Матерь, без мужа рождшую / и на руку носящую всю тварь Содержащаго; / Божие есть изволение Рождшееся. / Егоже яко Младенца Пречистая, Твоима рукама носившая, / и матернее дерзновение к Нему имущая, / не престай молящи о чтущих Тя, // ущедрити и спасти души наша.














БОГОРОДИЧЕН

Вся паче смысла, / вся преславная Твоя, Богородице, таинства, / чистоте запечатанной и девству храниму, / Мати позналася еси неложна, / Бога рождши Истиннаго; // Того моли спастися душам нашим.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /




Всякое дыхание и вся тварь / Тя славит, Господи, / яко Крестом смерть упразднил еси, / да покажеши людем, еже из мертых Твое Воскресение, // яко Един Человеколюбец.

2. Хвалите Бога во святых Его, /



3. Хвалите Его на силах Его /



БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 3



1. Изведи из темницы душу мою /




Твоим Крестом, Христе Спасе, / смерти держава разрушися, / и диаволя прелесть упразднися, / род же человеческий, верою спасаемый, // песнь Тебе всегда приносит.

2. Мене ждут праведницы /



Просветишася всяческая / Воскресением Твоим, Господи, / и рай паки отверзеся, / вся же тварь восхваляющи Тя, // песнь Тебе всегда приносит.

3. Из глубины воззвах к Тебе, Господи, /



Славлю Отца и Сына силу, / и Святаго Духа пою власть, / нераздельное, несозданное божество, / Троицу Единосущную, // царствующую в век века.


4. Да будут уши Твои /




5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Како не дивимся Богомужному Рождеству Твоему, Пречестная? / Искушения бо мужескаго не приемши, Всенепорочная, / родила бо еси без Отца Сына плотию. / Прежде век от Отца рожденнаго без матере, / никакоже претерпевшаго изменения, или смешения, или разделения, / но обою существу свойство цело сохраншаго. / Темже, Мати Дево Владычице, / Того моли спастися душам, // православно Богородицу исповедающих Тя.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Страстию Твоею, Христе, омрачивый солнце / и светом Твоего Воскресения, просветивый всяческая, // приими нашу вечернюю песнь, Человеколюбче.

БОГОРОДИЧЕН

О чудесе новаго всех древних чудес! / Кто бо позна Матерь, без мужа рождшую / и на руку носящую всю тварь Содержащаго; / Божие есть изволение Рождшееся. / Егоже яко Младенца Пречистая, / Твоима рукама носившая, / и матернее дерзновение к Нему имущая, / не престай молящи о чтущих Тя, // ущедрити и спасти души наша.





БОГОРОДИЧЕН

Тя ходатайствовавшую Спасение рода нашего, / воспеваем, Богородице Дево; / плотию бо от Тебе восприятою Сын Твой и Бог наш, / Крестом восприим страсть, // избави нас от тли, яко Человеколюбец.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Приидите вся языцы, / уразумейте страшныя тайны силу: / Христос бо Спас наш, Еже в начале Слово, / распятся нас ради, и волею погребеся, / и воскресе из мертвых, еже спасти всяческая: // Тому поклонимся.

2. Хвалите Бога во святых Его /



3. Хвалите Его на силах Его /




БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 4




1. Изведи из темницы душу мою /



Животворящему Твоему Кресту, / непрестанно кланяющеся, Христе Боже, / тридневное Воскресение Твое славим: / тем бо обновил еси истлевшее человеческое естество, Всесильне, / и иже на Небеса восход обновил еси нам, // яко Един Благ и Человеколюбец.

2. Мене ждут праведницы /




Древа преслушания запрещение разрешил еси, Спасе, / на древе крестнем волею пригвоздився, / и во ад сошед, Сильне, / смертныя узы, яко Бог, растерзал еси. / Темже кланяемся еже из мертвых Твоему Воскресению, / радостию вопиюще: // Всесильне Господи, слава Тебе.


3. Из глубины воззвах к Тебе, Господи, /




Врата адова сокрушил еси, Господи, / и Твоею смертию смертное царство разрушил еси: / род же человеческий от истления свободил еси, / живот и нетление миру даровав, // и велию милость.




5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Иже Тебе ради богоотец пророк Давид / песненно о Тебе провозгласи, / величия Тебе Сотворшему: / предста Царица одесную Тебе. / Тя бо Матерь, Ходатаицу Живота показа, / без отца из Тебе вочеловечитися Благоволивый Бог, / да Свой паки обновит образ, истлевший страстьми, / и заблуждшее горохищное обрет овча, / на рамо восприим, ко Отцу принесет, и Своему хотению, / с Небесными совокупит Силами, / и спасет, Богородице, мир, // Христос имеяй велию и богатую милость.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Господи, восшед на Крест, / прадеднюю нашу клятву потребил еси, / и сошед во ад, вечныя узники свободил еси, / нетление даруя человеческому роду, / сего ради поюще славим // Животворящее и Спасительно Твое Востание.

БОГОРОДИЧЕН


Призри на моления Твоих раб, Всенепорочная, / утоляющи лютая на ны востания, / всякия скорби нас изменяющи. / Тя бо, Едину, твердое и известное Утверждение имамы, / и Твое предстательство стяжахом. / Да не постыдимся, Владычице, всех Помоще, // Радосте и Покрове, и Спасение душ наших.












КОНДАК








БОГОРОДИЧЕН

Еже от века утаеное / и Ангелом несведомое таинство, / Тобою, Богородице, сущим на земли явися Бог, / в неслитном соединении воплощаемь, / и Крест волею нас ради восприим, / имже воскресив первозданнаго, // спасе от смерти души наша.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Крест претерпевый и смерть, / и воскресый из мертвых, Всесильне Господи, // славим Твое Воскресение.

2. Хвалите Бога во святых Его /




3. Хвалите Его на силах Его /




БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 5




1. Изведи из темницы душу мою /




Честным Твоим Крестом, Христе, / диавола посрамил еси, / и Воскресением Твоим жало греховное притупил еси, / и спасл еси ны от врат смертных: // славим Тя, Единородне.

2. Мене ждут праведницы /




Воскресение даяй роду человеческому, / яко овча на заколение ведеся, / устрашишася сего князи адстии, / и взящася врата плачевная. / Вниде бо Царь славы Христос, / глаголя сущим во узах, изыдите: // и сущим во тьме, открыйтеся.

3. Из глубины воззвах к Тебе, Господи /




Велие чудо, / невидимых Содетель, за человеколюбие плотию пострадав, / воскресе Безсмертный. / Приидите отечествия язык, Тому поклонимся: / благоутробием бо Его от прелести избавлышеся, // в Триех Ипостасях Единаго Бога пети навыкохом.


4. Да будут уши Твои /




5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

В Чернем мори, / Неискусобрачныя Невесты образ написася иногда: / тамо Моисей, разделитель воды: / зде же Гавриил, служитель чудесе. / Тогда глубину шествова немокренно Израиль; / ныне же Христа роди безсеменно Дева. / Море по прошествии Израилеве пребысть непроходно; / Непорочная по Рождестве Эммануилеве пребысть Нетленна. / Сый, и прежде Сый, / явлейся, яко Человек, // Боже помилуй нас.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Тебе, воплощеннаго Спаса Христа, / и Небес неразлучившася, / во гласех пений величаем, / яко Крест и смерть приял еси за род наш, / яко Человеколюбец Господь, / испровергий адова врата, / тридневно воскресл еси, // спасая души наша.


БОГОРОДИЧЕН

Храм и Дверь еси, / Палата и Престол Царев, / Дево Всечестная, / Еюже Избавитель мой, Христос Господь, / во тьме спящим явися, / Солнце Сый правды, / просветити хотя, яже созда по образу Своему рукою Своею. / Темже, Всепетая, / яко Матерне дерзновение к Нему стяжавшая, // непрестанно моли спастися душам нашим.

глас 5























БОГОРОДИЧЕН

Радуйся, Двере Господня непроходимая; / радуйся, стено и покрове притекающим к Тебе. / Радуйся, необуреваемое пристанище и неискусобрачная, // рождшая плотию Творца Твоего и Бога.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.


Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /




Господи, вереи вечныя сокрушив, / и узы растерзав, от гроба воскресл еси, / оставль Твоя погребальная, / во свидетельство истиннаго тридневнаго Твоего погребения: / и предварил еси в Галилеи, в пещере стрегомый. / Велия Твоя милость, Непостижиме Спасе, // помилуй и спаси нас.

2. Хвалите Бога во святых Его /



3. Хвалите Его на силах Его /



БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 6




1. Изведи из темницы душу мою /




Победу имея, Христе, юже на ада, / на Крест возшел еси: / да во тьме смерти седящия воскресиши с Собою, / Иже в мертвых Свободь, / Источаяй живот от Своего света, // Всесильне Спасе, помилуй нас.

2. Мене ждут праведницы /



Днесь Христос смерть поправ, / якоже рече, воскресе, / и радование мирови дарова, / да вси взывающе, песнь тако рцем: / Источниче жизни, / Неприступный Свете, // Всесильне Спасе, помилуй нас.

3. Из глубины воззвах к Тебе, Господи /




Тебе, Господи, Сущаго по всей твари, / грешнии камо бежим; / на Небеси Сам живеши, / во аде попрал еси смерть. / Во глубины морския; / тамо рука Твоя, Владыко. / К Тебе прибегаем, Тебе припадающе молимся: // Воскресый из мертвых, помилуй нас.

4. Да будут уши Твои /




5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощься, / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, // помиловатися душам нашим.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Воскресение Твое, Христе Спасе, / Ангели поют на Небесех, / и нас на земли сподоби, // чистым сердцем Тебе славити.


БОГОРОДИЧЕН

Творец и Избавитель мой, Пречистая, / Христос Господь из Твоих ложесн прошед, в мя Оболкийся, / первыя клятвы Адама свободи. / Темже Ти, Всечистая, / яко Божии Матери же и Деве, / воистинну вопием немолчно: / радуйся Ангельски, радуйся, Владычице, / Предстательство и Покрове, // и спасение душ наших.















БОГОРОДИЧЕН

Благословенную нарекий Твою Матерь, / пришел еси на страсть вольным хотением, / возсияв на Кресте, взыскати хотя Адама, / глаголя ангелом: срадуйтеся Мне, / яко обретеся погибшая драхма. // Вся мудре устроивый, Боже наш, слава Тебе.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Крест Твой, Господи, / жизнь и воскресение людем Твоим есть, / и надеющеся нань, // Тебе воскресшаго Бога нашего поем: помилуй нас.

2. Хвалите Бога во святых Его /




3. Хвалите Его на силах Его /



БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 7



1. Изведи из темницу душу мою /



Приидите, возрадуемся Господеви, / сокрушившему смерти державу, / и просветившему человеческий род, / со безплотными зовуще: // Содетелю и Спасе наш, слава Тебе.

2. Мене ждут праведницы /



Крест претерпел еси Спасе, / и погребение нас ради, / смертию же яко Бог смерть умертвил еси. / Темже покланяемся тридневному воскресению Твоему: // Господи, слава Тебе.

3. Из глубины воззвах к Тебе, Господи, /



Апостоли видевше воскресение Содетеля, чудяхуся, / поюще хвалу Ангельскую: / сия слава есть церковная, / сие богатство Царствия: // пострадавый нас ради, Господи, слава Тебе.


4. Да будут уши Твои /



5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Мати убо позналася еси, паче естества, Богородице, / пребыла же еси Дева, паче слова и разума: / и чудесе Рождества Твоего сказати язык не может./ Преславну бо сущу зачатию Чистая, / непостижен есть образ рождения: / идеже бо хощет Бог, побеждается естества чин. / Темже Тя вси, Матерь Божию ведуще, / молим Ти ся прилежно, // моли спастися душам нашим.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Воскресл еси из гроба Спасе мира, / и совоздвигл еси человеки с плотию Твоею: // Господи, слава тебе.

БОГОРОДИЧЕН

Под кров Твой, Владычице, / вси земнороднии прибегающе, вопием Ти: / Богородице упование наше, / избави ны от безмерных прегрешений, // и спаси души наша.







БОГОРОДИЧЕН

Яко нашего воскресения сокровище, / на Тя надеющияся, Всепетая, / от рова и глубины прегрешений возведи; // Ты бо повинныя греху спасла еси, рождши Спасение наше.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Воскресе Христос из мертвых, / разруш смертныя узы: / благовести земле, радость велию, // пойте Небеса Божию славу.

2. Хвалите Бога во святых Его, /



3. Хвалите Его на силах Его /




БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.

Глас 8




1. Изведи из темницы душу мою /



Вечернюю песнь, / и словесную службу, / Тебе, Христе, приносим, / яко благоволил еси помиловати нас // Воскресением.

2. Мене ждут праведницы /



Господи, Господи, / не отвержи нас от Твоего лица, // но благоволи помиловати нас Воскресением.

3. Из глубины воззвах к Тебе, Господи, /



Радуйся, Сионе Святый, / мати церквей, Божие жилище, / Ты бо приял еси первый, // оставление грехов, Воскресением.

4. Да будут уши Твои /



5. Аще беззакония назриши, Господи, Господи кто постоит /



- 6. Имене ради Твоего потерпех Тя, Господи, потерпе душа моя в слово Твое / упова душа моя на Господа.
- 7. От стражи утренния до нощи, от стражи утренния / да уповает Израиль на Господа.
- 8. Яко у Господа милость и многое у Него избавление / и Той избавит Израиля от всех беззаконий Его.
- 9. Хвалите Господа вси языцы, / похвалите Его вси людие.
- 10. Яко утвердися милость Его на нас / и истина Господня пребывает во век.





ДОГМАТИК

Царь Небесный за человеколюбие на земли явися, / и с человеки поживе: / от Девы бо Чистыя плоть приемый, / и из Нея прошедый с восприятием. / Един есть Сын, сугуб естеством, / но не Ипостасию. / Темже совершенна Того Бога / и совершенна Человека воистину проповедающе, / исповедаем Христа Бога нашего: / Егоже моли, Мати Безневестная, // помиловатися душам нашим.

ГЛАС 8

Сподоби, Господи, в вечер сей без греха сохранитися нам. / Благословен еси Господи, Боже отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси Господи, научи мя оправданием Твоим. / Благословен еси Владыко, вразуми мя оправданием Твоим. / Благословен еси Святый, просвети мя оправдании Твоими. / Господи, милость Твоя во век, дел руку Твоею не презри, / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

СТИХИРЫ НА СТИХОВНЕ

Возшел еси на Крест, Иисусе, / снизшедый с Небесе, пришел еси на смерть, / Животе Безсмертный, / к сущим во тьме Свет истинный, / к падшым всех Воскресение, // просвещение, и Спасе наш, слава Тебе.


БОГОРОДИЧЕН

Безневестная Дево, / Яже Бога неизреченно заченши плотию, / Мати Бога Вышняго, / Твоих рабов мольбы приими, Всенепорочная, / всем подающи очищение прегрешений: / ныне наша моления приемлющи, // моли спастися всем нам.



ТРОПАРЬ







КОНДАК








БОГОРОДИЧЕН

Иже нас ради рождейся от Девы и распятие претерпев, Благий, / испровергий смертию смерть, и воскресение явлей, яко Бог, / не презри, яже создал еси рукою Твоею; / яви человеколюбие Твое, Многомилостиве, / приими рождшую Тя Богородицу, молящуюся за ны, // и спаси, Спасе наш, люди отчаянныя.

Всякое дыхание да хвалит Господа. / Хвалите Господа с небес, / хвалите Его в вышних. // Тебе подобает песнь Богу.

Хвалите Его, вси Ангели Его, / Хвалите Его, вся Силы Его. // Тебе подобает песнь Богу.

1. Сотворите в них суд написан /



Господи, аще и судилищу предстал еси от Пилата судимый, / но не отступил еси от престола со Отцем седя: / и воскрес из мертвых, / мир свободил еси от работы чуждаго, // яко Щедр и Человеколюбец.

2. Хвалите Бога во святых Его /



3. Хвалите Его на силах Его /



БОГОРОДИЧЕН, ГЛАС 2

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако слава Тебе.